

**SYARAT-SYARAT TENDER BERSEPADU
KENDERAAN LUCUTHAK KASTAM DIRAJA MALAYSIA
BIL. 1/2022**

1. Tawaran hendaklah dibuat atas nama petender / syarikat mengikut borang tawaran (Lampiran 1) yang dikeluarkan. Borang tawaran boleh diperolehi dengan percuma di mana-mana Pejabat Kastam Diraja Malaysia (Bahagian Penguatkuasaan) yang terlibat dalam tawaran tender dan boleh dimuat turun di Laman Web (www.customs.gov.my).
2. Setiap tawaran hendaklah disertakan dengan deposit tender 10% dari harga tawaran (bukan 10% daripada harga simpanan) **ATAU** tertakluk kepada **had minima RM 25.00 dan maksima RM 10,000.00**.
3. Deposit tender hendaklah dibuat dengan menggunakan **Bank Draf / Banker's Cheque atau Kiriman Wang Pos** sahaja atas nama '**PENGARAH KASTAM NEGERI**'. Deposit **hendaklah** dibayar kepada **Juruwang** di JKDM Negeri yang terlibat dengan tawaran tender sahaja.
4. Petender hendaklah mengisi lengkap **borang maklumat pembayaran deposit** (Lampiran 1) dan disertakan semasa membuat pembayaran di kaunter Juruwang JKDM Negeri berkaitan. Lampiran 1 tersebut akan disahkan penerimaan oleh Juruwang. **Resit rasmi asal hendaklah disimpan oleh petender**. Di bahagian belakang Bank Draf / Banker's Cheque hendaklah dicatatkan nama penuh petender/syarikat, no. kad pengenalan/ROB/ROC dan alamat. Sekiranya terdapat percanggahan butiran petender / syarikat pada Lampiran 1 dan Lampiran 2, boleh menyebabkan tawaran tender tidak dipertimbangkan. Bayaran deposit tender secara tunai, cek persendirian, cek syarikat **tidak boleh diterima**.
5. Setiap lot yang hendak ditender mesti menggunakan borang tawaran (Lampiran 2) dan deposit tender yang berasingan. Lampiran 1 (**1 LOT KENDERAAN, 1 BORANG TAWARAN, 1 DEPOSIT TENDER**).
6. **Petender wajib mengisi semua maklumat dengan BETUL, JELAS DAN LENGKAP dalam borang tawaran**. Kegagalan berbuat demikian boleh menyebabkan permohonan tidak akan dipertimbangkan. Petender hendaklah menyatakan dengan jelas alamat surat menyurat terkini. Harga tawaran mestilah ditulis dalam bentuk angka dan perkataan di dalam borang tawaran, bilangan nombor lot serta butiran kenderaan yang hendak ditender.

7. Salinan resit rasmi yang telah diakui sah hendaklah dikepalkan bersama-sama Lampiran 1 dan 2 dan dimasukkan ke dalam satu sampul surat dan bertulis dengan perkataan **“NOTIS TENDER BERSEPADU KENDERAAN LUCUTHAK KASTAM BIL. 1/2022”** di sebelah kiri sampul surat dan dialamatkan kepada **PENGARAH KASTAM NEGERI**, di mana lot kenderaan itu ditawarkan. Alamat dan nombor telefon pejabat-pejabat Kastam yang terlibat dalam tawaran ini adalah seperti di Lampiran A.
8. Borang tawaran boleh dihantar melalui kurier/pos/serahan tangan dan **perlu dimasukkan ke dalam peti tender sebelum/pada 12.00 tengahari 04 April 2022.**
9. Harga tawaran adalah harga bersih. Petender yang berjaya tidak dikenakan Cukai Kerajaan yang berkenaan seperti **Duti Eksais, Duti Import dan Cukai Jualan**. Bagi kenderaan import / import terpakai petender juga tidak perlu mengemukakan **Lesen Import (AP)**.
10. Kerajaan tidak terikat untuk menerima mana-mana tawaran yang tertinggi atau sebaliknya. Keputusan tawaran ini adalah muktamad dan sebarang surat menyurat mengenai rayuan tidak akan dipertimbangkan.
11. Semua kenderaan dijual **“sebagaimana” (as is) “di mana” (where is) basis**. Petender-petender hendaklah berpuashati dengan keadaan kenderaan-kenderaan ini sebelum menyertai tawaran.
12. Kerajaan juga tidak menjamin keadaan mutu, kualiti atau butir-butir mengenai kenderaan tersebut serta tidak bertanggungjawab ke atas kenderaan yang telah dijual.
13. Tempoh sah laku Tender Bersepadu Kenderaan Lucuthak Kastam Malaysia Bil. 1/2022 adalah 90 hari dari tarikh tutup tender.
14. Petender, jika menarik balik permohonan tawaran tender dalam tempoh sahlaku tender akan dilucuthak depositnya kepada Kerajaan.
15. Petender yang berjaya dikehendaki menjelaskan pembayaran sepenuhnya baki tawaran dalam tempoh empat belas (14) hari dari tarikh surat pemberitahuan tawaran tender berjaya. Jika petender gagal berbuat demikian, deposit tender akan dilucuthak kepada Kerajaan.
16. Petender yang berjaya perlu membuat pembayaran di JKDM Negeri di mana lot kenderaan itu berada.

17. Bagi petender-petender yang berjaya dan telah membuat bayaran sepenuhnya dikehendaki mengambil kenderaan tersebut dalam tempoh tujuh (7) hari dari tarikh bayaran dibuat. Jika petender gagal mengambilnya, Kerajaan akan melucuthak kenderaan tersebut dan melupuskannya tanpa notis.
18. Pemulangan deposit tender bagi petender-petender yang tidak berjaya akan diproses sebaik sahaja keputusan tender dimaklumkan.
19. Deposit tender petender yang berjaya tidak akan dikembalikan dan akan diselaraskan dengan baki harga tawaran sekiranya pembayaran dilaksanakan di negeri lot kenderaan itu berada.
20. Pegawai dan kakitangan Jabatan Kastam Diraja Malaysia yang sedang berkhidmat tidak dibenarkan menyertai tawaran tender ini.
21. Semua urusan berkaitan tender ini adalah dikendalikan oleh Jabatan Kastam Diraja Malaysia sendiri tanpa melibatkan mana-mana agensi lain atau lantikan mana-mana pihak ketiga atau orang tengah.
22. Petender yang berjaya tidak dibenarkan membuat kerja-kerja pembaikan terhadap kenderaan- kenderaan yang berjaya ditender di dalam kawasan stor / tempat kenderaan disimpan.
23. Kenderaan-kenderaan yang ditawarkan boleh dilihat di stor penguatkuasaan / tempat simpanan mengikut negeri di mana lot kenderaan ditawarkan. **Tarikh lawatan ialah pada hari bekerja dari 14 Mac 2021 hingga 27 Mac 2022 dari jam 9.00 pagi hingga 12.00 tengahari dan 2.30 petang hingga 4.00 petang. (Kecuali Hari Kelepasan Mingguan & Cuti Am).**
24. Petender / Pihak Syarikat yang ingin melihat kenderaan-kenderaan tersebut diminta mendapatkan Pas Pelawat atau kebenaran daripada Pengawal Keselamatan / Pegawai Kastam yang bertugas. **Alamat stor / tempat simpanan kenderaan mengikut negeri adalah seperti di Lampiran B.**
25. Untuk keterangan lanjut sila hubungi mana-mana Pejabat Kastam Diraja Malaysia yang terlibat dengan tawaran tender melalui telefon sepertimana di **Lampiran A.**
26. Semua kenderaan yang ditawarkan adalah kenderaan yang telah berdaftar dengan Jabatan Pengangkutan Jalan (JPJ) Malaysia.

27. Petender yang berjaya wajib menukar hakmilik kenderaan tersebut daripada nama Ketua Pengarah Kastam Malaysia kepada nama Petender yang menerima tawaran dalam tempoh 28 hari dari tarikh penyerahan.
28. Sebarang saman, denda atau kompaun ke atas kenderaan yang berjaya dibida selepas penyerahan kenderaan adalah menjadi tanggungjawab petender yang berjaya.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

Saya yang menjalankan amanah,



(DATO' ABDULLAH BIN JAAPAR)
m.t.t Timbalan Ketua Pengarah Kastam
(Penguatkuasaan & Pematuhan)
b.p. Ketua Pengarah Kastam Malaysia